



蔣主席
名著全集

復興出版社刊

主席名著集題辭

地乎天成
萬世永賴

馮步芳



謹題

領導羣倫

劉建緒敬題



名言至理

博大精深

革命典範

建國指針

董其武敬題

高
山
仰
止

主席名著全集

高山仰止

古
玉
堂



丁巳年
月
日

北伐出師佈告

爲佈告事，照得國賊吳佩孚，勾結帝國主義，迷信武力萬能，實行竊國奸謀，不惜殘民以逞，致近年以來，兵連禍結，生靈塗炭，內爭起環，外患滋深，長此容忍，國亡無日，往歲吳賊搆兵失敗，蜷伏漢皋，我先大元師大度涵容，不予誅滅，簡從北上，拯力主張召集國民會議，以解決國是，與國民更始，雖備受國民的歡迎，卒不免軍閥之阻梗，目的未達，費志以終，全國同志，恭承遺囑，朝夕驚勵，方期聯合民衆，促進和平統一，乃吳賊乘機竊發，野心再逞，東西奔突，重苦吾民，若再不聲罪致討，將益恣其力徵經營，陷全國民衆於水深火熱，本總司令仰先大元師之遺志，重承國民政府之命令，出總軍符，揮戈北指，貔貅十萬，悉屬有主義之師，旗幟鮮明，無非爲人民而戰，得道多助，勝算可操，行看會師武漢，直搗幽燕，剷除萬惡之軍閥，敷布三民之黨治

，凡我同志，爲黨國犧牲，一致殺賊，凡我國民，爲圖謀自身幸福，亦應亟起與我軍合作，共賦同仇，總期萬衆一心，有進無退，完成國民革命之工作，建設自由平等之國家，上以慰先大元師在天之靈，下以慰全國民衆雲霓之望，本總司令許身黨國，夙矢忠誠，殺敵致果，義無反顧，士氣奮勇，何止十以當千，紀律嚴明，所致秋毫無犯，須知此次出師，專討吳賊一人，如有棄逆來歸，卽我同志，苟能殺賊投效，必錄殊勳，若夫甘心從賊，頑抗義師，是自外於生成，終難逃乎法網，順逆既判，賞罰攸分，凡爾百衆，其各凜之，切切此佈。

告誡軍人文

國民政府五院院長，本貫徹和平統一之宗旨，愛護革命軍人之熱忱，文告我全體軍人，於自救救人之道，不惜剴切詳明，諄諄告誡，凡忠於黨國，忠於革命者，宜無不警惕感奮，仰體力行，以期不負政府之期望，而完成吾革命軍人之天職，中正忝總戎機，平日於順逆之分，義利之辨，亦曾以總理昭示我革命軍人之智之意義，時加勗勉，時至今日猶勞黨國領袖，反覆申說，以此督責，此實中正之所疚心，而爲吾袍澤所共應惶愧者也，五院院長告誡吾人之要點，即吾軍人居心作事，應處處爲公，不宜稍存私念在也，此不僅我軍人救黨救國救人民之先決條件，亦即吾軍人自救之唯一良策，蓋爲公則革命人格，可以發揚，革命歷史，可以保存，而革命事業，亦可因之完成，爲私則不僅足以墮落革命人格，玷污革命歷史，破壞革命事業，即革命軍人之生存，亦終不能

自保也，革命軍人，成敗固可不問，得失亦無足關，惟於順逆之分，公私之辨，則不可不嚴，中正願與我袍澤以五院院長所告誡於吾人者，奉爲終軍之圭臬，庶政府和平統一之政策，得以貫徹，而吾輩軍人，亦不致誤入歧途，而爲天下後世所唾棄也，至於和平統一之方案，五院院長亦曾明示吾人以實施編遣與制止內戰爲唯一之綱要矣，蓋編遣不能實施，則擁有兵柄者，不惟擁兵自衛，甚且擴充兵額，互相爭奪，使中國長期無統一之望，內戰不能制止，則彼爭此攘，甲毀乙興，致中國永久無和平之日，而內戰與內亂之分，尤爲我袍澤所不可不切實認清者，蓋內戰云者，軍閥與軍閥之私鬥是也，例如二千年前春秋時代，列國雖互相爭霸稱雄，而猶尊奉其中央之名號，不敢犯上作亂，自居爲罪魁禍首者，可謂之內戰，若夫割據稱兵，脅制中央，擅改法令，破壞紀律，實爲內亂，而非內戰之可比也，內亂不戢，則統一難期，統一不成，則不惟使國家分崩離析，人民顛沛流離，而民族亦將萬劫不復，永無獨立自由之日矣，中

央當內亂將起而未發之時，必竭其血誠，苦口婆心，以行勸止，蓋冀作亂者之悔罪止亂，以維持統一和平也，及其亂之既發而不能制止也，則革命救國之中央，惟有出於討賊戡亂之一途，以盡其所應盡之職責，蓋革命政府之職責，乃在戡亂定國，剷除封建勢力，制裁反動行爲，以實現國家和平統一，民族之獨立平等也，如既不能制止內亂，又不能戡定內亂，是必私心自用，苟且偷安，助惡獎亂，害國殃民之政府，方忍出此，又焉得謂之革命政府耶？世人雖誤以內亂爲內戰，以致順逆不分，是非倒置，而國亡亦且無日，故中正不惜反復爲我袍澤申述也，我軍人尤應知軍隊皆爲黨國之軍隊，一惟黨國之命令是從，中央者黨國唯一最高之中央也，吾人既自名爲革命軍人，即應盡革命之職責，而克盡革命職責之唯一方法，即在始終服從中央，竭誠擁護中央，我全國國民之中央，亦即我全體袍澤之中央，而非一人或少數人之中央也，我軍人不可一日離中央，無中央則吾人革命之生命，即無所寄託，故自絕於黨國，自絕於中央

者，卽自絕其生命也，綜上所述，吾人可知稱兵作亂，又抗中央者，謂之叛變，亦卽謂之內亂，而制裁反側，戡定內亂，是爲討伐，而非內戰，此乃順逆之分，亦卽公私之辨，吾軍人不可不明察也，中正竊願爲我袍澤其共勉之。

訓誡各將士文

余頃擬離汕回省，不能與本軍諸同志一一作別，此後何時相見，亦未可知，謹將所欲言者，略述於下，尙期身體力行之。

一、疑忌爲忘身之道 近日本軍現狀，間有互相猜忌，彼此懷疑，此不誠不德之所致，既違反親愛精誠之校訓，將見精神渙散，不惟黨國俱亡，將見吾各人生無可歸之家，死無葬身之地，其復何以對總理與已死諸同志耶，望我同志深戒。

二、驕奢爲敗德之本 各官長浪費濫用，縱慾狂飲，積習已深，尤以驕奢爲近今通病，如不痛改，必致品格墮落，將爲反革命演桂軍之續，凡事應以革命責任個人職務爲重務，須戒慎恐懼，惟恐大禍之將至，革命不成，不能對總理，與已死同志在天之靈，時時須矢誠矢忠，克勤克儉，無論對友

軍對人民，一以謹慎二字出之。

三、士兵是家中子弟 士兵外出，服裝不整，儀容全失，軍紀風紀之敗壞，未有如潮汕部隊之甚也，此皆官長教育不良，約束不嚴，精神喪失，不愛士兵，視如途人之所致，夫欲革命之成，主義之行，必須先從愛惜士兵，嚴訓練入手，爲官長者，應減低個人生活，而提高士兵一般之生活，待士兵如待家中子弟，一切尤須以身作則，士兵必能愛惜其本身名譽，嚴守本軍紀律，以敬其父母之敬而敬上官矣，帶兵無他技，打仗亦無他難，只要從士兵生活上注意懇切，實則兵無不強，戰無不勝也，否則敗亡無日矣。

四、學問爲事業根本 本軍官長，對於學術，自畢業以後，即不求進步，所以各種動作，皆不能照典範令之原則做去，即於此次野營演習，可以知矣，須知不學無術，不將不能成事，而且不能教兵，孔子曰，以不教民戰，是

爲棄之，吾且以爲人無學術，不特驅民之死，而且自己之生命，亦將冤枉送死矣，以後本軍官長，無論上下，總以典範令爲研究軍事之本，以精神教育與治軍語錄爲規範身心之則，若人人能于衣袋中各置一冊，成爲嗜好，無論操場講堂，休息外出，隨時講求，如此相習成風，方能造成一個真正之革命軍隊，否則學不精進，技日退化，安有不落伍，而爲時勢所淘汰乎。

五、越級爲軍隊大忌 近來時有官長越級請假，直接借錢等事，此本爲師生情愛之所出，固非分外之事，須知此風一開，足養成學生爲驕子之惡習，其直接之上級長官，以後不能辦事矣，軍隊與黨部，非重階級不可，余固已常言之，以後除受傷過重，必須久養者，由我酌量情形，准其回家休養，另給川資，以示特遇外，其餘官長請假，非由其上級轉呈者，不特不准，且須懲戒，今後卽以此請假借錢等事，課其品性良惡，並爲功過賞罰之據

，如在一年以上，未嘗請假者，應記大功一次，期滿一年，如有人交代，則由其上級官輪流給假，轉呈核准，遠者如甘陝川貴雲南，則預支薪餉三月，其餘他省，近者最多預支兩月，至假期亦以此爲例，如有越級請假者，記過一次，本軍同志，應知現時爲革命之非常時代，各有革命不成，何以家爲之志，方是一個革命黨員，如果各同志真能努力奮鬥，余敢斷言，遠則五年，近則二年，革命必能成功，於此非常時代之短期間，如無必要之事，均爲一致工作，盡忠職務，實行主義之期間，過此則革命成功，自可解甲歸田，彼時共樂天倫，實未爲晚，此爲一勞永逸之計，何可貪一時之佚，而忘革命事業之重，故余對於入校以來，未嘗請假支錢之學生官長，雖未明賞，而實愛重，各官長皆能矯正，不請不預支之壞習慣，養成一個廉潔清高之革命軍人人格則幸矣。

本校各機關人員辦事方法訓令

辦事方法應須講究系統條理範圍三者，而能合綜此三者，有條不紊，歷久可考者，則在組織本校，自出征以來，組織不完，各處辦事人員雜亂無狀，以致事務紛繁，不能查攷，是即辦事無範圍條理系統之病也，以後凡本校各機關，無論前方後方，均以黃埔本校為本源，各處行營，除與各行營有關係之事，自當互相通告，此外凡關於人員出入，薪餉支付，辦事日記銀錢收支，運輸物品之接收轉遞諸事，均應報告黃埔本校，再由校本部辦公廳秘書處，分送各部存案，而各處行營，及各部隊，應各備簿冊，分類記錄，無論來往函電，公事，命令，通報，日記，名籍，均應分立表冊如員調遣請假期限，（自何日何處起至何日期滿）按月抄錄二份，其一報告黃埔本校，其一報告於校長，所在地各處自存一份，以備查考，如此辦事，雖有千萬機關，其系統整然，如臂使指

蔣介石先生名著集

，決無雜亂之弊，此所謂組織也，機關分類，即範圍也，各類內分別其緩急輕重先後大小之次序，即條理也，當今日人事複雜時代，辦事如不注重，此範圍條理系統，即或知之，而不確實研究遵行，則成效萬難立觀，關於此辦事方法，本校長，演講與命令已非一次，而各處總不能實行，所以辦事成績愈久愈劣，以無條理之機關，時日愈久，積事愈多，紛亂愈甚也，望各處主任，及人員照此確實進行，並藉此以考各處人員成績之優劣，又無論何處行營，每星期至少開常會一次，以研究既辦各事之正誤，及以後應辦各事之次序，逐條紀錄通告上級下級有關係各機關，至於各科，則每日更須注意會議，分別輕重，指定各人任務，辦事之道，不外衆以部分，事以類合兩語，明乎此，人人所以爲辦事之上手，否則不惟公事不成，而個人任務亦難勉肩，必致一無成效而已，吾望我本校同志，人人爲辦事能手，俾得節省時間，減輕勞力，而獲事半功倍之效，則校事黨事，必日有起色，不致廢敗，是所切望。